

2. ՔՈԼԱՏՍԿ ԳՅՈՒՂ

Գյուղամիջում ալժամ կանգուն հուշարձաններ չեն մնացել. այն երկու խաչքարերը, որոնց արձանագրությունները մեջ են բերված՝ ալժամ ընկած են գյուղամիջում: Տեղացիների ասելով՝ դրանց մոտ եղել է մատուռ կամ փոքր եկեղեցի, որի մնացորդները հազիվ են նշմարվում: Երրորդ խաչքարը գերեզմանատան մեջ չգտանք:

Այս գյուղը հնում, հավանաբար, մեծ է եղել և կարևոր դեր է խաղացել: Այդ են վկայում նախ արձանագրությունները, ապա՝ գյուղի դիրքն ու միջավայրը: Այն գտնվում է մի ինքնամփոփ ձորահովտի կենտրոնում, որի միջով հոսում է Քոլատակի ջուր կոչվող վտակը և խառնվում Սաչեն գետին: Այդ ձորահովտի մեջ և նրան շրջապատող լեռնաշղթաների վրա են գտնվում Մեծիրանց վանքը, Կոշիկ անապատը, Հավապտուկ վանքը և Խոխոնաբերդը: Ինչպես հայտնի է, այս միջավայրում են գտնվում Պոռշյանց տոհմի հնագույն հիշատակարանները, որոնք և մեծավաստակ հայագետ Գ. Հովսեփյանին հանգեցրել են այն եզրակացության, որ Պոռշյան կամ Սաղբակյան տոհմի նախնական բնակավայրը եղել է Քոլատակ գյուղը, Հավապտուկ վանքը նրանց տոհմական գերեզմանատունը և Դեռաքար գյուղը՝ նստոցը¹:

Այս Դեռաքարի ափի իհն ժամանակ միջնամասն է եղել Արցախի Մեծիրանց գավառի՝ իր հեղինակավոր Մեծիրանց վանքով: Ալժամ այդ Դեռաքարում գոյություն ունեցող գյուղերից ոչ մեկում կարևոր հուշարձաններ չկան, միայն Քոլատակն է, որ իր շրջապատում եղած և մեր թված հուշարձաններից բացի պահպանել է այն երեք խաչքարերը, որոնց արձանագրությունները մեջ են բերված և որոնց բովանդակությունը ինչ-որ չափով գյուղի նշանավոր լինելն է մատնանշում:

42. ԽԱՉՔԱՐ, ընկած է գյուղամիջում, թիկունքին 11 տող.

ԺԻԻՆ:ՈՂԹ: (1230) ԵՐ. ԵՍ| ՍԱՐԳԻՍ ԵԻ
ԱՅԼ ԵՂԲԱՐՔՍ, ԿԱՆԳՆԵՑԱՔ ԶԽԱԶԵՐՍ|
ՀԱԻՐ ՄԵՐ ԳՐԻԳՈՐԱՆԱ| ԵԻ ԵՂԲԱԻՐ ՄԵՐ
ՇԱՀԱԼԲԵՐԱ| ՈՐ ԿԻՍԱԻՐԵԱՅ| ԺԱՄԱՆԱ-
ԿԱԻ ԽՈՂԽ|ՈՂԵՑԱԻ ԻԶԵՌՆԱՅ| ԱՅ|ԼԱԶԳԵԱՅ.
ՈՐՔԵՐԿ
Ա ԳԵԳՅԱՂԱԻ

ԹԻԻՆ :ՈՂԹ: (1230) ԵՐ. ԵՍ| ՍԱՐԳԻՍ ԵԻ
ԱՅԼ ԵՂԲԱՐՔՍ, ԿԱՆԳՆԵՑԱՔ ԶԽԱԶԵՐՍ|
ՀԱԻՐ ՄԵՐ ԳՐԻԳՈՐԱՆԱ| ԵԻ ԵՂԲԱԻՐ ՄԵՐ
ՇԱՀԱԼԲԵՐԱ| ՈՐ ԿԻՍԱԻՐԵԱՅ| ԺԱՄԱՆԱ-
ԿԱԻ ԽՈՂԽ|ՈՂԵՑԱԻ ԻԶԵՌՆԱՅ| ԱՅ|ԼԱԶԳԵԱՅ.
ՈՐՔԵՐԿ
Ա ԳԵԳՅԱՂԱԻ

Ծանոթ. խաչքարի վերին կեսն է մնացել. վերջին տողից միայն 8 գրի վերին մասը:

Լուսաճկ. 10

¹ Գարեգին արք. Հովսեփյան, Սաղբակյանք կամ Պոռշյանք հայոց պատմության մեջ, մասն առաջին, Վաղարշապատ, 1928, էջ 34:

43. ԽԱԶՔԱՐ, ընկած է գյուղամիջուամ. նախորդի մոտ. ստորին մասում 7 տող.

ԻՌ ՁԻ
Ե ՍՍԵ ԴԱՅԱՂ
ԱՂԻՆՔԻ ԴՈՒՍՄՐԿԱ
ՍԱՆԱՅԿ ԱՆԶՆԵ ՑԻ ԶԼՍԼ
ՅԶՍ ՅԻՇԱՐԱԿԻՆ ՁԵԻ
ԶԱԻ ԱԿԱՅ ՈՐԲԿԱՐԴ ՅԱ
ՂԱԻՌ ՍՅԻՇ Ե Ց Ե Բ

Ի Թ. : ՈՂԶԲ: (1233). ԵՍ ՍԵԴԱՅ Ա-
ՂԱՂԻՆ ՔԻ. ԴՈՒՍՐ ՀԱՍՆԱՅ
ԿԱՆԳՆԵՑԻ ԶԽԱ. ՅԶՍ ՅԻՇԱՍԿ ԻՆԶ
ԵԻ. ԶԱԻԱԿԱՅ. ՈՐԲ ԿԱՐԴԱՅԲ, ՅԱ-
ՂԱԻՔՍ ՅԻՇԵՑԻԲ:

Ծանոթ. Թվականի մեջ հարյուրավորը բաց է թողնված, և րացնում ենք նկատի ունենալով խաչքարի քանդակների և գրչության ոճը, նաև պատմական միջավայրը:

Այս երկու հուշարձանները ընկած են գյուղամիջուամ. փողոցի կողքին, սրանց մոտ կա ավերակից գոյացած մի թումբ, որտեղ գյուղացիների ասելով եղել է մատուռ:

Լուսանկ. 11

44. ԽԱԶՔԱՐԻ վրա, որը եղել է գյուղի զերեղմանատան մեջ.

Ի : ՈՂԲ: (1243) Թուխն. ուղղմութեամբն Աստուծոյ և ևսլաւնց խաչենոյ՝ Զալալիւն և ուղալ իւրոյ Աքաբակին, եւ ևսլ Կառդան Կառդալեա Հուռասաւեցի, պաւռնայքն հաղն ինն ասիւն, եւ գնցի գրոտ ին հաւնոյն, գ Շեղջատաւին, և ևսլին անտեղն՝ տուի վասն նոգոյ իւնոյ վախմ ի սբ. ախիսիս Գաւնասաւաւ. սոփա տուին տաւէն : Բ: ժամ ի տաւնի Կառդաւեանց. ալ գնալեւնիս հաւնէ ի սբ. ախիսիս : ՅԺԲ: (318) հալաւայեալց եղոված լիցի և իմ մեղացն պատրասկան.

Ծանոթ. Այս հուշարձանը մենք չենք տեսել:

Հրատ. Շահխաթունեանց, II, 377 (որից և առնում ենք), Բարխուդարեանց, 169,

3. ԿՈՇԻԿ ԱՆԱՊԱՏ

Գտնվում է Գուլատակ գյուղից 10—12 կմ հարավ-արեւմուտք, բարձր լեռների վրա, շրջապատված խիտ անտառով:

Անապատը բաղկացած է երկու խումբ շենքերից, որոնք բուրժանված են մի բաց տարածությունում, որը նախկինում ծառայել է որպես բակ:

Առաջին խումբը կաղմված է իրար կից երեք փոքր եկեղեցիներից և սրանց արեւմուտքում գտնվող սրահից, որի երեք կամարակապ աչքերն ալժամ վակ են: Այս որահի հյուսիսից էլ կցված է նեղ ու երկար շենք, որի պատերի կեսն է ալժամ կանգուն: Եկեղեցիներից մեծ է հարավայինը, որի թաղակապ ծածկն ամբողջովին թափված է, մյուսները նույնպես թաղակապ են, բայց պահպանված են ամբողջությամբ:

Նրկրորդ խումբը գտնվում է սրանցից հարավ-արեւելք. բաղկացած է իրար մեջ բացվող երկու սենյականման շենքերից. կանգուն է:

Անապատի բոլոր շինությունները կառուցված են ճեղքած քարերով. սրբատաշ է միայն մեծ եկեղեցու բնի ճակատը, որի վրա գրված է №58 արձանագրությունը:

Առաջին խմբի հուշարձանների արեւմտյան կողմում նկատվում են խոցերի և տնտեսական շենքերի կիսավեր պատերը՝ ծածկված թփուտներով և ծառերով, այստեղ պատերին հենած և ընկած վիճակում կան մի քանի խաչքարեր, որոնցից մի քանիսի ստորին մասերում քանդակված են շեծյալների՝ ղինված տեգերով և կապարճներով: Հետաքրքիր է մարդկանց ռազմական հանդերձանքը և մանավանդ ձիերի վեհ տեսքը՝ հանգուցավոր ազիններով:

Հուշարձաններից հյուսիս եղել է վանական գերեզմանատունը, որն ավերել են մեծամեծ ծառերի արմատները: Անապատ տանող ճանապարհին հանդիպում են գերեզմանաքարեր և խաչքարեր, որոնք տեղահան են արված:

Այս հուշարձաններից ժողովածուն ամփոփում է 25 արձանագրություն, որոնցից 15-ը հրատարակվում են առաջին անգամ: